

Batxilergo pribatuen finantzaketarako legeak osoko zuzenketak gainditu ditu

Irunberri eremu mistoan utzi dute erregionalisten eta sozialisten botoek

Nafarroako Gobernuaren batxilergo pribatuen finantzaketarako lege proposamenak bere aurka aurkezturiko osoko zuzenketa guztiak gainditu zituen Nafarroako Parlamentuko atzoko bilkuran, proposamenaren defentsan gehiengo osorik ez duen UPN bakarrik geratu bazen ere: oposizioko talde bakoitzak osoko zuzenketa bat aurkeztu zuen, eta bakar bat ere ez zen onartu.

Juan Kruz Lakasta / Iruñea

DATORREN ikasturtean martxan jarriko da LOGSEren arabera batxilergo berrietako lehen ikasturtea. Jakina denez, UPNk proposatzen du hori eskaintzen duten ikastetxe pribatuak haiekin hitzarmena sinatuz finantziatzea. CDNren arabera, hitzarmenena finantzaketa sistema egokia da, baina legeak hori zehaztu behar du lehen mailan ezezik bigarrean ere. «UPNk lehen mailan soilik ezarri nahi du finantziaketa, hori eginez PSNri, neskagun oihari, atea irekita uzteko, itzul daitekeela uste delako. PSN, berriz, UPNrekin zuen harremanaren haustura eszenifikatzeko erabili du lege hau, eta hori onartezina da», azaldu zuen Allik. Jakina denez, UPNk eta PSNk aurrekontu hitzarmena hautsi dute batxilergo pribatuen finantzaketaren kontura.

PSNko Carlos Cristobalek azaldu zuen UPNren lege proposamenaren aurka badaude ere, sozialistak ez direla hitzarmenaren aurkakoak. «Beharrezkoak diren tokietan, hitzarmenak egin daitezke. Guk esaten duguna da zenbait tokitan ez direla beharrezkoak, eta horietan ikasleei diru-laguntzak ematea proposatzen dugu. Gobernuak aztertu



Javier Markotegi Hezkuntza kontseilaria atzoko agerraldian.

JOXE LACALLE

beharko du zein den laguntzok banatzeko modurik egokiena», azaldu zuen.

HBren irudikoz, arazoa da Gobernuak finantzaketa modu bat ezarri nahi duela, aurretik eztabaidatu gabe Nafarroan derrigorrezkoa ez den irakaskuntzan -batxilergoetatik unibertsitate- zein nolako modeloa ezarri nahi den. Romeok azaldu zuenez, HBk irakaskuntza publikoaren alde egiten du apustu, beti ere ikastolek gizarteari eskaintzen dioten zerbitzua aintzat hartuz. EAKo Begoña Erraztikoren arabera, egin behar dena da hitzarmen eta diru-laguntzen sistemak uztartzea, beti ere hitzarmena sinatu duten ikastetxeak kontrolatuz, eta ikastolen berezitasuna kontuan hartuz.

IUko Begoña Arboniesek hitzarmenaren aurkako jarrera tinkoa azaldu zuen: «Derrigorrezkoa ez den irakaskuntzan ez da hitzarmenik egin behar, eta derrigorrezkoan kasuak banan-

banan aztertu behar dira. Izan ere, sare publikoak ikasleak hartzen ditu, eta pribatuak, berriz, aukeratzeko dituzte». Niko Martin Landak antzeko jarrera erakutsi zuen: «Guztiok aski ongi dakigu non dauden bazterketa arazoak dauzkaten ikasleak». Orain lege proposamena Hezkuntza Batzordea pasatuko da, eta -irakurketa bakarrek moduan tramitatu dutenez- zuzenketarik egin gabe bozkatu beharko dute. Litekeena da Batzordeak atzera botatzea, lege proposamenak soilik UPNren sostengua baitu.

Irunberri aldaketarik ez. Bestalde, atzoko bilkuran CDNk proposatu zuen Euskararen Legea aldatzea, Irunberri eremu mistoan sartzeko. Irunberri egun eremu ez-eskaldunean dago, eta hori dela kausa ikastetxe publikoak ezin du D eredu -euskara hutsekoa- eskaini. Herriko ikastetolan 67 haur daude, eta ikastetxe publikoan 55, eta ikastolako

gurasoek ikastetxe publikora pasatu nahi dute. UPNk eta PSNk aldaketa proposamenaren kontra bozkatu zuten. UPNk esan zuen Alliren alderdiak irizpide argirik gabe eta Irunberriko alkateta CDNkoa dleako egiten zuela proposamena. PSNk esan zuen hezkuntzari dagokionean eremu ez-eskaldunean zenbait aldaketa egin behar direla, baina ezin direla aldaketak herriz herri egin. Gai honetako alderdiak aaldaketa proposamena tramitera onartzearen alde azaldu ziren.

Azkenik, HBk San lehendakariari Hezkuntza kontseilari Markotegiren dimisioa eskatu zion, euskararekiko duen jarrera dela kausa. IUk, EAK eta HBk alde bozkatu zuten, CDN abstenitu zen, eta UPNk eta PSNk kontra bozkatu zuten. Dena den, PSNk azaldu zuen HBri egiten dion boikot politikoa dela kausa bozkatzeko, eta ez kontseilariaren euskararekiko jarrera ona zela uste zuelako. x

'Nafarroako hizkerak' liburua kalean da

Udako Euskal Unibertsitatearen eskutik plazaratu da

Erredakzioa / Iruñea

UDAKO EUSKAL UNIBERTSITATEAK (UEU) Nafarroako hizkerak. Nafarroako euskal dialektologiako jardunaldiaren agiriak liburua plazaratu du, Nafarroako Hizkuntz Politikarako Idazkariitza Nagusiaren laguntzaz.

Argitalpenak biltzen ditu joan den azaroan Udako Euskal Unibertsitateak Iruñean egin zituen jardunaldietan aurkeztutako ponentziak eta jardunaldion inguruan Euskalerria Irratiak antolatutako mahainguruen bide bateko transkripzioa. Jardunaldiaren koordinatzaile Iñaki Caminok prestatu argitalpena 1.700 pezetan izanen da salgai liburutegietan. Datorren asteartean, hilak 23, Iruñeko Zaldiko Maldiko elkartean eta arratsaldeko 19:30etan, liburuen aurkezpenean egingen dute.

Argitalpen berriak biltzen dituen ponentzien artean Koldo Zuazoren Euskalkien mapadago. Horrek Bonaparte printzearen euskalkien mapa berri egiten du, eta jakin-min hania piztu zuen azaroan plazaratua izan zelarik.

Horretaz gain, argitalpenaren topa daitezke Koldo Zuazoren beraren Nafarroako euskal hizkerak, Iñaki Gaminderen Nafarroako azentu ereduen sailkapena, Patxi Salaberri Zaratiegiren Arabako mugako nafar hizkeren inguruan, Orreaga Ibarren Ultzamako hizkeraren deskribapena eta Iñaki Caminoren Zer dago dialektologia- ren gibelean?

Euskalerria Irratiak antolatutako bi mahainguruen izenburuak dira Nafarroako hizkeren azterketa eta euskara estandarra eta Nafarroako hizkerak administrazioan, hezkuntzan eta hedabideetan.

Iñaki Caminok liburuen hitzaurrean azaldukoaren arabera, berriak dira argitalpeneko artikuluetan ageri diren gauzetarik eta adierazpenetarik batzuk.

«Arrazoi hauexegatik dira berriak: orain arteko uste batzuk ukatzen dituztelako; ez genekien zerbait edota era lausoan genekien zerbait eskaintzen digutelako; hor zehar jakina zen baina gurean inork gutxi ezagutzen zuen zerbait etxera eta euskaraz irakurtzeko moduan dakargituelako; azkenik, etxean ongisko ezagutzen dugun zerbait protagonisten ahotik jaso den bezala lehen aldiz idatzirik eta esplizitaturik gelditu delako», esan du Caminok. x

Labiaga ikastolako ordezkariak haien egoeraren berri eman dute Parlamentuan

Joxan Oizek adierazi duenez, alderdiek erakutsi dituzten jarrerek itxaropenaren bidea ireki dute

Juan Kruz Lakasta / Iruñea

BERAKO Labiaga ikastolako ordezkariak agerraldia egin zuten atzo Nafarroako Parlamentuko Hezkuntza Batzordearen aitzinean, haien ikastetxearen egoeraren berri emateko. Ikastolako zuzendari Joxan Oizen arabera, agerraldian alderdiek erakutsi duen jarrera «esperantzarako bidea» ireki zuten. Izan ere, Labiagako ordezkariak hitz egin eta gero, galderen txandan CDN, IU, HB eta EA ikastolaren Derrigorrezko Bigarren Hezkuntza lerroa legeztatzearen alde azaldu

ziren. UPNk eta PSNk ez zuen haien jarrera argitu.

Hezkuntza Batzordeko parlamentarioek atzo Labiaga ikastolaren egoeraren berri izan eta gero, datorren ostiralean egingen duten bilkuran EAK, CDNk eta HBk ikastetxearen DBH lerroa legeztatzeak aurkeztu proposamenak aztertuko dituzte. EAK eta CDNk legeztatzeak eta datorren ikasturteari begira Gobernuak ikastolarekin finantziaketarako hitzarmena sinatzeko eskatuko dute. HBk hori ezezik galdeginen du Gobernuak ikastolari pagatzeko azken lau urteotan DBH

lerroa legeztatzeak eta hitzartzeak zegoela eta ordaindu ez diona. PSNren jarrera erabakiorra izan da; izan ere, CDN, IU, HB eta EA legeztatzearen alde daudenez, sozialistek haiekin bat egingen balute, UPN bakarrik geratuko litzateke, eta legeztatzearen aldeko proposamenak aurrera egingen luke.

Jakina denez, Labiaga ikastolako duela lau urte DBH eskaintzeari ekin zion, haren irudikoz hori egiteko LOGSE legearen arabera baldintza guztiak betetzen zituela. DBH lerro hori legeztatzeak eskatu zuelarik, alta,

Gobernuak ezetz erantzun zion. Labiaga ikastolako ordezkariak hiru aldiz eskatu zitoten Gobernuari baimeena, eta hiruotan ezezkoa jaso zuten erantzun gisa. Horrenbestez, joan den urtean Nafarroako Administrazio Arazoetarako Auzitegi Nagusiaren gana jo zuten. Haatik, Oizen esanetan, «ikasleak ez dira erabakia- ren epaileen erabakiaren zain lau urte eman dezaketen tomateak». Ikasturte honetan 20 ikasle DBHa burutu dute, eta Gobernuaren legeztatzea lortzen ez badute, ezin izanen dituzte haien ikasketak segitu. x